

明  
詩  
紀  
事

明詩紀事

貴陽陳田輯

戊籤

張含 十一首

舍字愈光永昌衛人正德丁卯舉人有禺山詩集六

卷

四庫總目舍學出於李夢陽又與楊慎最契故詩文皆  
 慎所評定慎序有曰張子文必弓左字必蒼雅其推  
 挹甚至然其病正坐此故綴續字句而乏錯鑄變化  
 之功明人別有雕鏤堆砌一派含其先聲歟  
 升菴集愈光未明能詩有驚人句及長博極羣書條  
 入葉貫雄辯遼古神搜靈擊上獵漢魏下汲李杜寢  
 歌途罟鞠明究曠弗工弗庸弗似弗止  
 藝苑厄言張愈光詩如拙匠琢山骨斧鑿宛然又如  
 束銅錮腹滿中外遺  
 國雅張愈光如蘭津天矯騰選浮空張之鴻雁不傳  
 戈戩全八

瘡痕

雲外字芙蓉空照水中花銅柱兼葭鴈響鐵城煙  
雨鶴鵲呢此例數篇非雕飾曼語  
田按升菴謫演唐人楊給事士雲王僉事廷表胡副  
使廷祿李荊州元陽唐僉事鎬張舉人含與升菴遊  
同時吳高河懋品題為楊門六學士六人中以士雲  
及含為傑出含集中詩與升菴者弼望皆是升菴序  
馬山集所謂於困窮節義之交萬言不竭者是也升  
菴贈含詩云迢迢馬山云一山珠璧交品英雨美必相合  
誰言容易并懷出山氏山珠璧交品英雨美必相合  
山歌云張子生長馬山云一刻一折一孔一日一款襟周  
度正始前栖栖不肯開元下蒼髯開口愛風雅翩翩欲  
者申蠶阿大復榮園李司空結交折行輩聲價騰煙  
鴻壽張周山歌云壽君十載前合樽促席在連然壽  
君十載後問月停雲遙舉酒暇日檢海內交遊詩云  
高河長句馬山律懷我好音三百篇海內絕句云張  
含秀句滿天下二人襟契不淺詩格亦略相似惟才  
遠不逮升菴耳

嬾慢棲嚴壑憂時還淚垂祗聞徵彩石不復念瘡痕海涸魚

龍泣城荒虎豹馳歌謠無采使紀詠舍吾誰

離夕有贈效垂拱體

僊子武陵溪春深歸路迷翠翹迎露濕羅袖避風颭留佩花  
龍玉分釵月印犀金杯延落日酒醒各東西

潁川侯祠

野老爭傳傳潁川當時功業冠南滇平蠻營壘蒼山外破虜  
旌旗白石邊祗見荒祠通落日不聞遺像照淩煙陰風古樹  
無窮恨長爲英雄弔九泉

香祖筆記永昌王瑞簡公宏祚嘗屬余選張含陽山  
集余尤喜集中潁川侯祠一篇足稱詩史至結句云  
陰風古樹無窮恨長爲英雄弔九泉可以泣鬼神矣

歲暮寄升庵

頻年爲客棲滇海何日還家過錦城謝傳風神動王導李侯  
佳句似陰鏗赤龍不見凌霄漢銅柱徒聞起甲兵時有交月南兵事  
浦霜橋牽別思嶺猿江雁總關情

憶升菴

故鄉玉壘三千里異域堂琅二十春  
焚道方言兒女解梵宮  
新偈錫緇鄰鳳毛池上眞仙客  
龍尾關前老逐臣  
書史聲光日月動白頭  
呼應馬牛頻

閒適

圖籍珍收外史菴杖藜閒過老僧龕  
詩圓擬彈成何用世變  
藏基苦未諳陵下茗華憐郭璞階前蘭葉對羅含  
高人自古多垂釣上客今誰解左驂

避世

偃蹇疏狂散髮人  
青鸞象飯不愁貧  
鄰翁問字攜村酒  
稚子眠磯守釣緇  
肘露旋縱麕白衿  
山遊纔帶小烏巾  
誰知避世尋源事  
只爲桃花不爲秦

長安旅夜

委巷積雪數尺深  
萬里鄉思絕難禁  
客子倦遊是何意  
梅花未開空苦吟  
抱病維摩欲說法  
不眠阮籍須彈琴  
三更風急鴻雁響  
歷歷哀音愁我心

六言呈升庵

憶昨高燒風雨三更  
燭下題詩遣遣南鴻  
北雁月明滿地相

思

獨步

青竹園中獨步翻雲流竹溪流春花一開雙淚春鳥一嚶千愁

有客約遊東湖不果

聞說東湖湖水清荷花荷葉滿湖生卽教閉戶從花盡莫遣看花不盡情

張合一首

含宇懋觀舍弟嘉靖壬辰進士授戶部主事改兵部吏部歷員外出爲湖廣副使

田按懋觀與崔後渠論詩崔云唐人詩郊寒島瘦全怪俱自成一家今人詩皆是描紅宋有自由機軸者懋觀云唐人詩本於心如太白好酒飛卿好色者言與心符故不可及今人詩與心迥異故格調雖規模

亡人而意味終不如此論爲當時摹古者進一解懋  
觀詩惜不多見

過閭

日斜候得開夫來鼓擊鑼鳴聞始開獨有龍船先得過南都  
中使進鮮同

金大車

四首

大車字子有其先西域默伽國人明初歸義賜姓居  
南京遂爲上元人嘉靖乙酉舉人有方山遺稿

金陵瑣事羽伯陳公評青溪社中四子詩云高汝州  
近思雄壯奇拔馬國學承道博雅典則金文學子坤  
清新秀朗金孝廉子有則兼總諸長詞義雙美夫金  
氏昆玉尙有詩集若高馬二公人且不知其姓名也

況於詩乎

列朝詩集子有從遊於顧華玉華玉極愛重之子有  
詩法襲陽隨州搖筆立就嘗有不堪搖落逢秋日况  
復蹉跎入暮年之句陳羽伯怪其壯歲出語不祥死



時年四十四羽伯與其弟子坤掇拾遺詩定次百篇  
田按子有與陳羽伯爲素交子有卒後羽伯有詩哀  
之云大金吾夙好偉然清廟質五色煥龍鸞希聲中  
琴瑟束髮友斯人畢志期作述沈冥同往歲瀟灑弄  
文墨吾方墮塵網贖期阻親睽豈意南陽別歡好此  
焉畢仰祝天方普巫咸不世出誦子臨歧贈酒淚空  
永日其爲儕輩歎慕如此

### 漂母祠

王孫去不返淮水亦東流宿草封遺塚行人說故侯荒祠黃  
葉暗寒渚白蘋秋一飯猶懷德空悲雲夢游

### 祝禧寺訪馬承道

地僻秋堂靜琴書此盍簪短檠禪榻暗微雨梵鐘沈絡緯鳴  
莎徑松杉繞石林擁衾不能寢山氣夜蕭森

### 幽居

依依人境外，削迹散幽情。  
放棹晚潮至，閉門春草生。  
青蛉溪上浴黃犢，雨中耕長日。  
江村靜，惟聞伐木聲。

經廢寺有作

金身隨雨卧，紺戶藉風開。  
聽法龍辭樹，翻經石掩苔。  
藤花檐際罨，木魅洞中來。  
澗道千年樹，山僧手自栽。

金大興 三首

大興字子坤，大車弟，應天諸生，有子坤集。

朱緒曾金陵詩徵，平湖高才困於諸生，曠達豪邁，不問家產，名日起而貧，日甚有詩五百餘首，生時貧不能梓，卒後郭次甫囊中有一漢鼎，售四十金，遂刻其集。黃滔甫序謂大都清新婉麗，迥過錢劉。

與文源朱二過溧陽道上

路歧苦奔峭，村舍多蕭索。  
遠水明石渠，疏雨散林薄。  
唧唧棲

鳥喧澹澹油雲幙頽陽卽主人野飯開山酌窮途賴所歡言  
笑解寂寞丈夫江海心何事勞羈紲弭棹息遠遊長歌耕負  
郭

移居

素心厭囂雜移居入窮巷本無卜宅心所貴寡輪鞅草蟲鳴  
樹根秋花旅階上三徑竹陰多一樽時獨賞荆扉白日掩事  
罕絕塵想不見古臺榭今來唯草莽願言謝天伐窮居逃世  
網

江上送陳元甫還江西

送君江上路心逐斷雲飛野飯投孤館寒霜照客衣鳥衝黃  
葉下潮帶白蘋歸故國方兵火山中盡掩扉

馮惟健 一首

惟健字汝強臨朐人知府裕子嘉靖戊子舉人有陂

門集八卷

海岳靈秀集陂門集奇思駿發古選冲逸近體嚴整  
大泌山房集汝強才情駿發超然絕塵  
漁洋詩話馮氏自閭山先生起家進士以詩名海岱  
間有四子惟健惟重惟敏惟納皆有詩名惟敏兼工  
詞曲惟納纂古詩紀風雅廣逸諸書有功藝苑

舊歲八月送舅氏及弟至下關今秋出餞蔣丈復來江

許觀山河風景有慘舊別

不見涓陽信空懷杖杜憂寄書驚別路送客感深秋見說之  
河洛何時到錦州遠人應貯望去矣莫淹留

馮惟重 二首

惟重字汝威惟健弟嘉靖戊戌進士官行人有大行  
集

大泌山房集惟重刻意爲詩無大厯以後語

冷氏園亭待宋一川不至

宛宛淩溪曲誰家雙竹門烏啼松菊徑人坐桔槔園白板明  
斜日青山帶遠村美人殊未至搔首對平原

遊張氏園

翠柳窺窗碧朱顏映酒紅花枝清溫露蒲葉自翻風荒徑思  
陶令名山對謝公酒闌仍悵望家在海雲東

馮惟敏

七首

惟敏字汝行惟重弟嘉靖丁酉舉人除涑水知縣改

鎮江教授遷保定通判有海浮山堂詩稿石門集

藝苑卮言馮汝行詩如幽州馬客雖見伉俪殊乏都雅

大泌山房集汝行文不爲刻削語情事若指掌上填詞尤號當家西北人往往被之絃索

海岳靈秀集海浮詞雖逸而氣弱律雖協而調卑列朝詩集汝行善度近體樂府盛傳於東郡王元美

謂李尙寶先芳張職方重劉侍御時達此調皆可觀而惟敏獨爲傑出其板眼務頭撒搶緊緩無不曲盡

而才氣亦足以發之余所見梁狀元不伏老雜劇當在王漢陂杜甫春遊之上詩雖未工亦齊魯間一才人也

山左明詩鈔張廷采惠夫云海浮山在臨朐縣南二十五里石青色無寸土上有古松數百株松下野生

迎春花時望若金嶺下卽海浮先生別業危樓三櫺顏曰憑襟取水經鄆佳語也左右古木千章修竹數

十畝干霄蔽日夏不知暑舊署杜句爲聯云名園依綠水野竹上青霄可謂切矣北臨冶泉一名熏冶水

發源山之西麓治官祠下匯爲巨浸大百頃淵深渟泓游鱗可數中產鮓最美客至主人舉網爲膾又有

卧雲卽江南等亭並在竹林中石門亦勝地似靈巖

而差小先生集名以此  
田按臨胸四馮朱中立首推汝強詩王秋史謂汝威  
爲四集之冠朱竹垞謂汝言詩華整可觀其賈氏之  
偉節乎余謂終不若汝行之才氣縱橫也

禽言三首

鳳凰不如我竹實醴泉真瑣瑣何不委形濁世中飛鳴飲啄  
無不可鳳凰不如我

報穀報穀透犁好雨夜來足不愁田中惡草多但願年年風  
雨和夜來雨急風聲惡聞道村南一尺雪老翁歸來語老妻  
村中報賢烹鳴雞

向前還好可惜今年種田少早知今年勝去年卽死不賣山  
南田欲向靈禽頻借問禽言昧遠唯知近能知歲事報陰晴  
不知官租重與輕

黃見源再過小齋而余闕一造謝微名羈人無論遠近

雨中話舊漫賦此章

欲渡西津屢未能  
閒官猶自愧良朋  
微茫一水成疏越  
咫尺三山阻共登  
每憶春風燕市酒  
重憐夜雨郡齋燈  
高情從此頻過訪  
苜蓿盤餐恐不勝

夜登金山絕頂

亭在丹霄第幾層  
翛然吾與月同升  
望中更覺天無際  
立處惟愁地不勝  
風靜沈沈聞梵磬  
雲開隱隱見漁燈  
吏情最喜滄洲近  
欲託幽棲恨未能

紫荆關閱武

萬年天險闢鴻濛  
不數崢嶸百二雄  
勅使觀兵中執法  
守臣



分輔右扶風從來肘腋三關重此去華夷一路通今日正煩  
廊廟策安危何獨在元戎

貽獨往生

不見獨往生依稀想幽事買藥遊江城夜宿城邊寺

馮惟訥

七首

惟訥字汝言惟敏弟嘉靖戊戌進士除宜興知縣改  
魏縣歷蒲州知州揚州同知改松江徵授南戶部員  
外進郎中改兵部出爲陝西僉事歷河南參議浙江  
副使山西參政按察使陝西布政使改江西加光祿  
卿致仕有光祿集十卷

四庫總目馮惟訥古詩紀前集十卷皆古逸詩正集一  
百三十卷則漢魏以下陳隋以前之詩外集四卷附

錄仙鬼之詩別集十二卷則前人論詩之語也時代  
綏長採摭繁富其中真偽錯雜以及抵牾舛漏所不  
能無故馮舒作詩紀匡謬以糾其失然上薄古初下  
迄六代有韻之作無不兼收溯詩家之淵源者不能  
外是書而別求固亦採珠之滄海伐木之鄧林也  
藝苑卮言馮汝言詩如晉人評會稽王有遠體而無  
遠神  
海岳靈秀集少洲詩俊逸秀麗縱橫繩墨間時出奇  
鋒  
列朝詩集汝言有光祿集評其詩者以爲博洽多聞  
自出爲鮮

### 送杜明府謝政還遼

仙郎逸氣橫朝野傲岸不落風塵下  
郗丹六百輒免官王陽九折能旋馬  
羈心浪迹日悠悠楚水吳山十度遊  
秋風君度紅驪磧知我題詩白鷺洲

### 同葉司法登北固山甘露寺

紉園臨楚郭碧巘控吳關閣道傳多景江光合二山雲隨前  
代盡歌及此身閒況是逢山簡誰能不醉還

送王閣山赴均州別駕

迢遞糜城道看君白髮新孤猿楚山夜芳草漢江春去國懷  
明主憐才憶故人呂虔如有贈時拂寶刀塵

隴州閻氏水亭延栢泉小集

習家臺榭枕滄浪飛蓋西園共舉觴一徑花香含宿雨千林  
樹影帶斜陽莫辭酩酊留山簡自喜追隨有葛強明發征輶  
各回首蒹葭秋色正蒼蒼

至都始見峻伯留宿解舍

可憶毘陵夜雪船亂帆相背各風煙探囊詩卷行堪把計日

心期又隔年秉燭更疑成別夢當杯翻怯近離筵同遊自昔  
多豪彥獨對狂歌倍黯然

毘陵舟中夜別萬吳二明府次俞汝成韻

渡口雲深樹色蒼孤舟寒雨共離觴憑君莫話從前事只是  
無言已斷腸

皋蘭觀兵

露骨山前月色高夜聞胡騎在臨洮將軍未挂平羌印獨倚  
長虹看寶刀

栗應麟

三首

應麟字仁甫潞州人嘉靖己丑進士除陳州知州歷  
順德同知遷陝西僉事有去陳集家藏集碧虛漫興

四溟詩話晉川詩清雅不減劉文房  
路安詩鈔前編程二漳曰晉川詩集大梁高叔嗣爲  
之序稱翰林唐荆川許栗氏兄弟詩可傳世

謝茂秦將赴晉陽留餞園亭以詩識別分韻得秋字

盍簪方讌晤引轡復西遊  
草白晉陽路霜清汾水秋  
詩名無去住客計有淹留  
心在浮雲外飄然不繫舟

山居閱道經

棲幽寡縈繫端坐閱玄書  
深院無塵雜閒心自靜  
虛煙霞悅野性水竹伴山居  
不是能甘廢疏庸與世殊

古意

抱瑟空相憶臨妝復自疑  
宮中莫深妬妾豈是蛾眉

栗應宏

八首

應宏字道甫應麟弟嘉靖乙酉舉人官南陽通判有

太行集十六卷

四溟詩話道甫弱冠工詩與兄仁甫齊名所作含英咀華風調雨順其論詩曰詩貴解悟識有偏全斯作有高下古人成家者如得道故拈來皆合拘拘於述者未矣又曰詩莫古於風雅皆可解漢樂府有不同讀者聲詞雜寫之誣由譜錄爾

遊五龍山

巖壑古留迹藤蘿春可捫遊人歷世代零露越朝昏鶴夢通雲島猿嘯下石門浮沈只自異感念復何言

西還留別李嵩渚僉憲

并州舊辟土梁苑惜離心飲餞洪河濱言旋王屋岑白雲看  
是伴芳樹若爲吟遙憶惟明月松窗理玉琴

贈古鏡禪師

福德茲方久眞知老益耽村居皆法食弟子徧行菴飛杖山  
泉落開經猿鳥參本來無住著何異古瞿曇

登泰山

泰嶽嵒嵒凌碧空魯宮漢時草煙中淒淒零露朝昏易漠漠  
浮雲世代同東度欲隨蓬島客上清期謁玉宸宮海田陵谷  
尋常變安得神遊一御風

龍山中行漸及幽遠

晴巒遠近草煙濃屨杖逍遙世外蹤採藥偶然逢異境看雲

不意入羣峯橋邊父老說黃石山上仙翁憶赤松自覺漢陰  
機已息茲遊麋鹿遂相從

寄酌謝茂秦都中見貽

有客高懷共酒樽歧途悵望別都門鄴中才子能爲賦稷下  
先生久放言日暮冥鴻經旅館春初芳草憶王孫思君欲寄  
清漳水直到檀欒修竹園

柏谷

柏谷東連十八盤山行時到玉虛壇黃庭道士能留客旋煮  
人薇作早餐

都城別一皇甫謝山人

燕中春盡塞鴻鳴久別相逢俱客情斗酒與君相共醉浮雲



聚散不須驚

侯一元二首

一元字舜舉樂清人嘉靖戊戌進士除南刑部主事  
歷員外郎中出爲廣東參議歷河南副使廣西雲南  
參政廣西按察使河南江西布政使有一谷集二十  
卷

靜志居詩話二一谷詩雖率易然有真趣

寄石屋

一枝棲已定舊業未全貧白水連三畝青山作四鄰鳥蟲披  
古篆牛馬應時人獨愛林間月無由寄許詢

夜渡甌江

暝色度歸燒長風動沈寥漸藏江岫月正落海門潮委運同  
飄瓦全生學緯蕭江湖易成夢頓欲謝清朝

侯一磨一首

一磨字舜昭一元弟有龍門集

和家兄南塘書懷

人意各有適自得貴不違潛蚪本淵媚冥鴻入雲飛南塘山  
水清可以築釣磯日夜起棹歌處處見樵漁野老多農語東  
鄰聞讀書當知陶晏意奚必市廛居

何良俊二首

良俊字元朗松江華亭人嘉靖中貢生以薦授南翰林孔目有柘湖集二十八卷

四庫總目良俊頗有文名所作縱橫跌宕亦時有六朝遺意而落筆微傷太快殆亦才人輕脫之習歟司勳集吾鄉文徵仲以推擇待詔金馬門後十餘年而蔡九遠繼爲南孔目嫻於文辭聲聞藉甚世傳南館集云後二十餘年而何君繼之村甫草堂開於潭水羅含精舍寄之江陵加以談若懸河識同藻鑒車騎填門履綦沓座狎梵侶以立探結勝流而觴詠每一篇出匪但藝苑翕推而閭巷遞誦君又妙解音律晚畜聲伎樽俎傾於北海絲竹理於後堂躬自倚歌尤長顧曲江左餘風不在茲乎列朝詩集元朗清詞麗句未逮文蔡然文以修謹自勵蔡以谿刻見譏元朗風流豪爽爲時人歎羨二公殆弗如也靜志居詩話元朗詩頗率易其買宅句云一須焦革鄰舍二要秦青對門興固自豪第乖好樂無荒之旨矣田按柘湖放誕不羈賴有才情足以濟之

### 白下春游曲

萬片天桃迎笑靨千條弱柳鬪纖腰潘妃死後芳魂在散作

城南一段嬌

聽李節彈箏和文文水韻

汨汨寒泉瀉玉箏泠泠標格映清冰愁中爲鼓秋風曲不負

移家住秣陵

列朝詩集教坊李節箏歌何元則品爲第一盛仲交  
有元朗席上聽彈箏詩云酒清香藹夜擲箏絃上涼  
生六月冰但許風流擅南館不教飛夢繞西陵文文  
水和之云泠泠寒玉寫秦箏片片清聲似斷冰一曲  
渾疑李憑在不知秋旅是金陵元朗又和之云云金  
陵全盛時東橋每宴集必用教坊樂以箏瑟佐觴武  
宗南巡樂工頗仁隨駕至北京在教坊學得金元人  
雜劇詞何元朗家小鬟盡得之老頓言此曲懷之五  
十年今供筵所唱皆是時曲此等詞並無人間及不  
意垂老遇知音也

何良傳

一首

良傳字叔皮良俊弟嘉靖辛丑進士除行人遷刑部

主事改南禮部歷員外郎中有禮部集十卷

田按分宜官南祭酒時叔皮以文受知厥後分宜入政府元朗因得官翰林觀叔皮致分宜書可見二何集中感恩之作不一余謂此等著作爲玷不小二何宦亦不達爲此瑣瑣徒貽千古笑端

宋歛齋叔丈有詩見懷遠寄金陵次韻奉答

羨公飽邱壑愧我逐風湍河上一云別盟言三載寒銀缸花自落江館雁堪憐回首蕭塘曲吳雲倍黯然

王曷一首

曷字文晦侯官人參政佐孫嘉靖壬午舉人授海門教諭歷國子博士監丞遷戶部主事有晴川集四卷

邳州守歲

守歲邳州道羈孤萬里情鐘聲鄰子廟樹色項王城栢葉愁

相對燈花黯不明  
難成鄉國夢  
風雨破長更

王杲一首

杲字文旭  
景弟有怡漫集

病中寄傅木虛諸子

伏枕滄江上  
終朝苦憶君  
幾時同夜月  
一別已秋雲  
霄漢青  
燈夢江湖  
白雁羣  
閩山與吳水  
誰爲寄慇懃

明詩紀事

貴陽陳田輯

戊籤

李開先二首

開先字伯華章邱人嘉靖己丑進士除戶部主事改吏部歷員外郎中擢太常少卿有中麓閒居集十二

卷

四庫總目嘉靖初開先與王慎中唐順之熊過陳東任  
李何剽擬之習而開先與時春等復羽翼之然開先  
雅以功名自負既廢以後猶作墓上曲一百首以寓  
其志又閒居集末卷有蘇息民困或問及顏神事宜  
潛渠私議潔議諸篇汲汲於經世不甚爭文苑之名  
故所作隨筆揮灑一篇或至數千言其詩亦往往疊  
韻至百首其持論確於李何而終不能奪李何之壇

戊籤卷九

海嶽靈秀集中麓積書好客豪宕不羈嘗作甚富如  
 龍嶽縱橫江海泛溢一韻百篇蓋白樂天之流也然  
 詞意淨淺多何尚焉  
 列朝詩集伯華弱冠登朝奉使銀夏訪康德涵王敬  
 夫於武功鄒杜之間賦詩度曲引滿稱壽二公恨相  
 見晚也罷歸置田產蓄聲妓徵歌度曲爲新聲小令  
 撈彈放歌自謂馬東籬張小山無以過也爲文詩不  
 循格律詠諸調笑信手放筆所蓄詞多於文文多於  
 詩改定元人傳奇樂府數百卷嘗謂古來才士不得  
 乘時柄用非以樂事繫其心往往發狂病死今借此  
 以坐消歲月暗老豪傑耳  
 田按嘉靖八子王道思唐應德之文目是一代傑出  
 詩則道思體頗清俊尙不足與邊徐角勝何況李何  
 陳約之善論詩而所作殊不稱其言伯華詩尤類放  
 頗稱好事藏書畫極富自負賞鑒嘗作畫品次第明  
 人以戴文進吳偉陶成杜堇爲第一等倪瓚莊麟爲  
 次等而沈周唐寅居四等王漁洋香祖筆記云伯華  
 論畫與吳人頗異王弇州與之善嘗言過中麓草堂  
 觀所藏畫無一佳者而伯華謂文進畫高過元人不  
 及宋人亦未足爲定論漁洋與伯華爲鄉曲且不能  
 爲之左袒矣



讀書省悟

多取不爲貪詩書僻性耽借鈔先館閣

內書原陳芳洲奏請自南都移來共八十

廚掌以典籍後遷代不常因而據竊抵換存者無幾例許鈔覽必先具領狀以時繳納世所謂讀中祕書者是也今館中諸君不得如前博覽及瞿墨耨望慚書麗文章效濟南  
李廌有濟南只市書而已  
集若無眞實行萬卷總空談

靜志居詩話中麓藏書之富甲於齊東詩所云豈但三車富還過萬卷餘又云借鈔先館閣博覽及瞿墨是也先時邊尚書華泉劉太常西橋亦好收書邊家失火劉氏散佚無遺獨中麓所藏百餘年無恙近徐尚書原一購得其半予嘗借觀愛戲帙必精研朱點勘北方學者能得斯趣殆無多人也聞中麓後人尙餘殘書數十部巡撫丹徒張公物色之中有陸農師禮象一編張公歿後訪之不能得矣

塞上曲

堂上張燈酒正豪帳前駿馬縮寒毛忽聞羽檄傳來急上馬

酖醺弄寶刀

王慎中 十三首

慎中字道思晉江人嘉靖丙戌進士授戶部主事改  
禮部復改吏部歷員外郎中謫常州通判遷南戶部  
主事歷禮部員外出爲山東提學僉事歷江西參議  
河南參政有遵嚴集四十卷

四庫總目正嘉之際北地信陽聲華藉甚教天下無讀  
唐以後書然七子之學得於詩者較深得於文者頗  
淺放其詩能自成一家而古文則鉤章棘句剽襲秦漢  
之面貌遂成偽體史稱慎中爲文初亦高談秦漢謂  
東京以下無可取已而悟歐曾作文之法乃盡焚舊  
作一意師仿尤得力於會稽歐陽文忠公詩則初爲藻  
麗之齊名天下稱之曰王唐詩則初爲藻麗之格  
歸田以後又雜入講學之語類然自放亦與順之相  
似朱彝尊明詩綜乃謂其五言文理精密刷響顏謝  
而論者輒言文勝於詩未爲知音今考集中五言如

游西山普光寺。匪起登山遊。大明湖諸篇固皆遂  
穆簡遺七言。如每夜猿聲如含裏。四時山色在城中。  
萬井遙分初日下。羣山微見遠塵中。琴聲初歇月挂  
樹。蓮唱微聞風滿川。亦頗有風調雨順。然綜其全集之詩  
與文相較。則淺深高下。自不能掩文勝之論。殆不盡  
誣彝尊之論。不揣本而齊末矣。  
中麓問居集。遵嚴在留都。與龍溪王畿講解。王陽明  
遺說。參以己見。最惟好古。漢以下著作。無取焉。至是  
始發宋人書讀之。覺其味長。而曾王歐氏文。尤可喜  
眉山兄弟。猶以為過於豪。而失之放。以此自信。乃取  
舊所為文。如漢人者。焚之。唐荆川見之。以為頭巾氣  
遵嚴言此大難事。君試舉筆。自知之。未久。唐亦變而  
隨之矣。嘗言吾之詩文。不外古人。而有高出古人者。  
中麓止知敬服。唐荆川殊不知荆川特得吾之緒餘。  
也。其大言如此。  
藝苑卮言。王道思詩如驚代。宿鳥撲刺。適迅殊愧。幽  
閒之狀。  
國史唯疑擬人。必於其論王道思序唐荆川集。謂江  
左自季札言。偃之後。惟唐一人涉過譽。吳中閭然薛  
方山答王槐野書。吳如唐陸贄。朱范仲淹。鄒浩。非盡  
乏人。唐豈得偃然其上乎。唐亦有自嘲詩。力希顏氏  
何能望竊比言游。未敢安為王序發也。

列朝詩集道思詩體初宗豔麗工力深厚歸田以後  
擬雜講學信筆自放頗爲儒林口實略與唐應德相  
似  
東南嶠外詩話道思詩世事浮雲機久息故園芳草  
夢空還世態無端爭夢裏人生何事勝樽前蘊藉自  
然令人三復不厭  
田按道思五律與同時皇甫子安華子潛輩相較略  
無愧色陳臥子明詩選不錄道思一篇毋亦爲弇洲  
厯下之論所懾歟

### 白鹿洞書院作

昔賢敦雅尙設教託靈壤妙得高深理非關山水賞道因名  
勝尊神以流行養時去迹空留風存化猶廣宏基茂草餘巍  
構浮雲上忘幾鳥頻飛有懷予獨訪林芳鬱紛敷庭木自滋  
長泉石有餘清絃歌輟遺響川水逝如斯山形高可仰徘徊  
西日斜惆悵前人往

由撫州之建昌道中宿山寺

客行亦已倦投足秋山深月色空香徑清宵宿道林蒼松多  
古意流水有餘音釋子一相偶聊忘生滅心

德安公署雨中書懷

荒齋掩夕景倦迹易淹留細雨同寒意空山向暮愁逢迎還  
自懶缺掌祇增憂抱此微軀病何能爲世謀

蔣方伯行部德安走筆奉柬

離抱易爲感復此芳春時雜英委閒徑好鳥鳴高枝坐惜歡  
言阻空令淑景馳方聞整駕去惆悵獨來遲

發東林寺登廬山絕頂還過留止

年來知淨理在世比虛舟偶此同生滅因之任去留色空廬

阜起禪定虎溪流已矣東林社長廊榭葉秋

宿湖中

蒼茫煙景晦舟楫自如家宿處隨鷗鳥秋初惜月華遙心連  
浦雁歸夢滯江花爲客誰知者疏燈水一涯

署中讀書

雨散空堂靜褰簾微月初古人聊取對塵事自相疏曲几螢  
光映殘編蠹簡餘不緣嫌簿領飾律用經書

春日永甯寺山亭顧中丞招遊

煙曉雨初晴亭皋春日輝相從窮宴賞一倍惜芳菲柔草纔  
勝藉新條恰拂衣謝公方愛客日暮不言歸

金山雜詩

康定陵前栖夜烏盤林鬱鬱鎖松梧總聞再造驅戎虜不見  
千官拜鼎湖內使司香閑寢殿祠臣常祀掃金鋪翠華縹緲  
空中度絳節靈應羣帝俱

登江東城樓

花片飛飛柳色深登樓一倍攬鄉心長隄煙草迷人去遠寺  
斜陽帶磬沈江水無風時起浪春雲不雨每成陰躊躇滿目  
誰相會惆悵前林倦翼禽

夏日燕惠山同荆川是堂諸君

茲山誠負勝野性本耽幽偶獲盍簪會聊爲結驪遊桂觴臨  
曲水蘭帳俯崇邱廣坐清光滿層軒空翠淨升高憑四覽撫  
景散千憂芙苑林端見長湖天際流巖花如共笑谷鳥亦相

求翻愧蓬飛客來參竹社遊

滄洲道中寄蔡道卿

泠泠風舉碧羅裳一曲焦桐月在牀  
寂歷寒波兼墜葉不知何處是瀟湘

涼州詞

莽莽平沙雁不飛馬頭誰復寄征衣  
欲知春色惟憑柳柳葉初青春已歸

唐順之

八首

順之字應德武進人嘉靖己丑進士授兵部主事改吏部尋改編修歷右春坊司諫上疏請朝東宮奪職爲民起兵部郎中視師浙直超拜僉都御史巡撫淮



陽天啟中追諡襄文有荆川先生集十二卷

中麓閒居集荆川張愛空同詩文篇篇成誦且一一  
倣倣之及遇王遵嚴告以自有正法妙意何必雄豪  
亢硬也故癸巳以後之作別是一機軸有高山今人  
者有可此古人者未嘗不多遵嚴之功也  
藝苑卮言近時昆陵一士大夫始刻意初唐精華之  
語亦既斐然中年忽自竄入惡道至有味為補虛一  
試肉事求如意屢生噴又若過顏氏十四歲便了王  
孫一裸身又詠疾則淺月囊疣是雨淫閱箭則箭箭  
齊奔月兒裏角力則一散滿身都是手食物則別換  
人間蒜蜜腸等語遂不減定山沙邊鳥共天機語擔  
上海挑太極行為詞林笑端  
國雅唐中丞應德詩稱名家蚤居翰苑便勝貞觀武  
德華躅及還昆陵直造開元大懸妙處並足流譽詞  
林  
詩數嘉靖初為初唐者唐應德袁永之醫文升王汝  
化任少海陳約之田叔禾等為中唐者皇甫子安華  
子潛吳純叔陳鳴野施子羽蔡子木等俱有集行世  
就中古詩冲澹當首子潛律體精嚴必推應德  
國琛集應德初務清華晚趨險怪考其所撰若山二  
轍故譽有所自毀亦隨之

明詩選陳臥子曰應德氣象爽邁才情駿發使能深  
造當有超乘其後馳驚功名詭託講學遂頽然自放  
國史唯疑翁萬達親執小卒手與論心幕客常數十  
人至躬拜參游之母士因感奮卽周尙文健門亦賴  
翁駕馭有法滴水嚴之役旣嚴撤之復趣援之恩威  
具得宜唐荆川詩得一降胡如愛子用三敗將立奇  
功極力寫出  
吳錫麒有正味齋日記慈仁寺殿左穹碑聳立乃成  
化二年御製詩但稱爲太后祝釐而建孫國教燕都  
游覽志云寺本爲周太后弟吉祥建當時蓋諱之也  
唐應德詩云同行更說前朝事繡蟒銀魚有故僧是  
也  
田按嘉靖初學初唐者如薛君采皇甫子安七古詩  
便不能佳無論餘子蓋其調剛轉流利須擇題而施  
惟何大復明月篇最爲傑出以其才自度越尋常也  
五律一體人握隋珠君采子安兄弟高蘇門袁承之  
唐應德陳約之輩不可勝數應德古文自是明一代  
大家詩學初唐律體自有佳篇厥後談兵講學不復  
能唱渭城涼倒頽放弁州臥子之論具在不必爲之  
諱也

寓城西寺中雜言

誰言龍藏遠亦在鳳城旁塔湧金銀界筵開功德場常明瞻  
慧月利涉藉慈航沈痼還能遣齋心奉藥王

送陳翰林松溪謫居朝陽

天連窮髮國地近卜雞鄉禁闕心偏遠關河望轉長翻飛看  
鳳隱消歇怨蘭芳此路饒荆棘思君欲斷腸

暮春游陽羨南山

花落已成蹊村村綠葉齊一園通蝶路千嶂隔鶯啼澗草多  
名蕙山人舊姓嵇窮歡猶未返忽是夕陽西

南苑

秦園盧橘標炎節漢苑蘘荷駐羽旗雲氣自依雕輦集星辰  
故繞畫梁飛林行草木皆成隊水戲魚龍各合圍更取薰風

調曲奏已看陽谷藉光輝

送王翰林浙江兵備副使

同時詞客不如君一劍還將靜海濱  
雞舌舊從香署吏虎符新領伏波軍  
帆檣萬里輸蛟織樓閣三秋吐蜃雲  
自笑馮郎將白首欲從幕下策奇勦

題龍池菴相傳伏虎禪僧開山處  
頂有龍井蜥蜴見則雨

遠游爲訪白雲巖轉盡孤峰路更南  
龍見小身時出井虎馴大士舊閒菴  
禪心客思俱潭水古佛寒松共石龕  
坐對老僧無一事夜深相與說楞嚴

嵩陽宮柏

嘉樹植崆峒年長勢更雄已無秦帝幸尙有漢皇封幹比孤  
生竹根猶半死桐靈泉玉女涇甘雨嶽神通葉密鳥難度林  
樛葛易蒙垂陰九華帳弄影五雲宮色掩重巖翠聲含眾竅  
風寶來虬蓋偃仙去鶴巢空非因不材壽春秋自無窮

塞下曲贈翁侍耶總制

少年意氣王千斤鐵棒曾穿萬虜羣壯士從來不病死孤兒  
今屬羽林軍

陳東 七首

東字約之鄞人嘉靖己丑進士選庶吉士改禮部主  
事歷員外復授編修出爲湖廣僉事歷福建參政遷  
河南提學副使有后岡集二卷

四庫總目東與唐順之為同年共倡為初唐六朝之作  
以矯李何之習而所學不逮順之年僅三十餘而卒  
文章亦未成就故順之終以古文鳴而東無稱焉  
中麓間居集后岡詩每情會景來思奇興發一篇成  
則一篇便可名世大抵李何振委靡之弊而尊杜甫  
后岡則又推李何之偏而尚初唐  
司勳集陳子方齡於終童且才於賈生雕章綺合藻  
思羅開考其遺編早鑄四傑晚銘二張適軫於平原  
晞駕於康樂麗於游燕充於入洛雋永於浮湘備於  
吳越歐陽問展可傳以不朽  
藝苑厄言陳約之詩如青樓小女月下笙篴初取聞  
適終成淒楚又如過雨殘荷雖耐衰落嫺然有態  
國雅陳學憲約之余讀其集篇篇都秀潤句句少贅  
拔亦就色象中自然寫出如波聲齒齒淨麗天茁向  
未解笑  
列朝詩集約之初與唐應德輩倡為初唐以矯李何  
之弊略而稍厭縹緲靡心折於蘇門  
明詩選陳臥子曰約之典禮之作精麗典重不減沈  
宋  
靜志居詩話約之取紹六朝亦稱典則  
田按約之高蘇門集序闡明詩緒正變得失言科  
律字字珠玉豈在多乎今觀所作意極矜鍊境乏閑

深趨步雖工音節未壯良出賦質荏弱又傷早逝採  
錄遺詩爲之三歎

### 過徐李二子再遊東林寺

入山禮名禪山深變炎夏清颿激層欄流水注戶下孤磬遠  
煙微長廊飯僧罷整結塵外蹤緬懷遠公駕虎去識舊溪蓮  
開見遺社四禪邈難依百齡竟安假冥心合委和曠覽齊物  
化疏達任吾生塵玄兩相謝

### 送張秀才省兄還句章

臥病寡營慮閉關生道心還聞異國去忽動故鄉吟海樹延  
寒色山城結暝陰懸知康樂思春草別來深

### 公安得應德村居詩酬贈

相期邱壑意帳望海雲深更落淮南葉愁聞吳會吟祖生先

著策貢禹未投簪言賁盈尊酒歸來共竹林

送張子言

送君已蕭瑟况復值秋時鄰比存千里勞歌起四思口有張  
生舌幾無季子賁空聞說詩好到處解人頤

伏日楠溪上疏乞休

夙昔秉玄志凌翰升紫臺雄談迴馬辯巨藻顧龍才輝光四  
座滿軒蓋五方來不求文仲舉甯論公孫猜一朝分楚服三  
載滯江陵辛涼峴山淚悽斷郢門哀感往情彌吝懷來節易  
摧屈平形稍頽潘岳鬢全衰瓠質甯須用蓮心信不開題書  
移魏闕畢志在蒿萊

辰州送王兵憲



奉命宣威建節旌翩翩繡服照山城傳章遙識蠻酋拜負弩  
新看縣令迎臘月梅花催別騎春原柳色待行營此日西南  
須靜鎮知君無檄諭膏肓

高陽行

高陽年少事橫行重俠由來不重生奪得寶刀搖雪色騎將  
飛馬蹙風聲

趙時春一首

時春字景仁平涼人嘉靖丙戌進士選庶吉士改戶  
部主事復改兵部以建言下獄黜爲民起編修兼司  
經局校書以言事再黜起兵部主事遷山東按察僉  
事進副使以右僉都御史巡撫山西有浚谷集十七

卷

四庫總目時春詩文多慷慨自喜不可拘以格律

送大學士石門程公巡邊東旋

四海共皇風分憂切上公位兼八座重鎮屬九邊雄文武仍  
才傑經綸翊聖功揚旂截塞外曳旆度湟中嘉善傳周賚錫  
金侈漢宮便蕃來寄譯歌舞遍華戎萬里鳴鞭下三軍挾纊  
同台光方燦爛時雨亦零濛纔出天山北更之鵬澤東旗翻  
關月黑緋吹海鹽紅尙憶吟鴻雁無勞歌阜螽櫜戈安衽席  
庶士共忻幪迢遞皇華節旬宣帝澤洪先驅紛虎豹上略藉  
夔龍麟閣威儀著鳳池勲業崇履應旋斗柄劔已過崆峒龐  
相空圖史梁公富藥籠明謨多俊乂登用及恩蒙庸敢玷蘭

室終當返桂叢他時擊壤頌元凱奉重瞳

任瀚

四首

瀚字少海南充人嘉靖己丑進士選庶吉士改吏部主事歷員外郎中改春坊司直兼翰林檢討有忠齋

集

田按少海詩音節抗朗在嘉靖八子中自爲一派與前後七子略近

病懷二首

杪秋霜露至暮夜極蕭森別館砧聲切嚴城寒氣深盧龍邊月苦涿鹿陣雲深牢落江關夢摧傷鴻雁音

茂陵已多病宋玉復悲秋江遠音書斷天寒鴻雁愁霜燈見

黃葉

隋開皇寺名今爲天常

風露下長楸永夜那能寐含悽吟白頭

晚次閩州滕王臺

蘆荻陰陰王子臺，秋濤冥冥猿嘯哀。  
黃雲古戍踏歌去，落日千帆買客來。  
江鵝倒窺如意舞，岸花斜映接羅開。  
月明水深不可渡，石壁懸纜魚龍迴。

咸陽東樓望闕

漏下寒闌鼓角雄，秋清絲管郡樓風。  
正思袞冕春天上，細聽簫韶月露中。  
身世留連雙鳳闕，乾坤衰晚一漁翁。  
承明官閣文華署，玉珮遙知委上公。

熊過一首

過字叔仁，富順人。嘉靖己丑進士，選庶吉士，改禮部主事，歷員外郎，中坐事斥爲民。有南沙集八卷。

田按嘉靖八子惟叔仁詩罕見題家多不及余從費  
經虞劍閣芳華集獲詩一首

題王生卷

烽火恆山逼近途雲中南畔是天都詞臣詔得瑤池事王母  
西傳益地圖

呂高一首

高字山甫丹徒人嘉靖己丑進士授戶部主事改兵  
部歷郎中出爲山東提學副使遷太僕少卿有江峰  
漫藁

暮秋述懷

蕭蕭寒雨對高秋寂寂空牀擁敝裘歸向釣天頻有夢挽回  
滄海獨無謀平生頗愛任公子末路方思馬少游珍重故人

招隱意家園南郭可淹留

明詩紀事

貴陽陳田輯

戊籤

鄧徽一首

徽字文度其先松江華亭人徙常熟正德丁卯舉人  
列朝詩集文度以通經博古爲學常倣呂成公大事  
紀論次古今得失類成卷帙曰如有用我執此以往  
詩學昌黎東坡不肖時調爲文有體要陸子餘歸希  
甫皆稱之

慧日寺十八大阿羅塑像

至人自藏珍古貌元氣備博士造佛徒追眞信難事亭亭青  
蓮宇諸天奠其位尊者十二輩高座納雙屣覺能越幾先慈  
欲放踵施龍驤以珠象虎跳以呪弭目瞋澄淵黑頂突華峯

戊籤卷十

翠若眞外形骸能以理勝自嗒然了得喪何有立同異塵柄  
操瑩玉寶花自空墜想當經營初其手空俗士我思彼尊者  
所造亦深邃函經入方夏後乃道宏肆以空攝萬有以道獵  
衆智窮山養枯骸野鳥習其髻善士瞻梵相瓶錫此焉侍安  
得如此塑慰我懷古意

汪本一首

本字以正歛人正德丁卯舉人有西巖集

王寅新邨秀運集以正童稚性解爲詩弱冠挺興遂  
傳高唱若愁邊草木歇夢裏關山多有懷成遠詠無  
伴趁朝行野草不媚世沙鷗甯近名皆消思取境不  
落常情

晚興寄羅子應程師魯

白日下平塹長風起層波美人不可見消息今如何愁邊草



木歇夢裡關山多惜哉感云晏回首鬢將皤

吳益夫 一首

益夫字惟裕閩人正德丁卯舉人武學教授有古迂  
集

長干柳枝詞

橋頭春水拍春隄楊花柳花撩亂飛長條總被行人折那復  
青青上舞衣

周允中 一首

允中字宏道金鄉人正德丁卯舉人歷官西甯參議  
有南莊詩

和南灣亭

南灣亭子澗之南雲影天光一鑑涵翠柏依巖巢水鶴青山  
拔地聳晴嵐人如元白詩千首夢到羲皇酒半酣聞說往來  
有畸士相逢半日劇清談

呂枬一首

枬字仲木高陵人正德戊辰第一人及第授修撰以  
議禮下詔獄謫解州判官改南宗人府經歷就遷吏  
部郎中歷尙寶卿太常少卿詔拜國子祭酒擢南禮  
部侍郎隆慶初贈禮部尙書諡文簡有涇野集三十  
六卷

田按涇野及第後以忤劉瑾引疾去厥後康對山以  
救李空同謁劉瑾牽連放斥涇野與對山許西唱和  
相得甚歡能諒其心故也講學與陽明良知不合時  
陽明倡學東南當路者嫉之癸未會試主司發策有

焚書禁學之議涇野力辨而解救之得不行此皆盛德事可以愧講學攻擊者

### 遊郊東道院

尋幽過道院曉霧綰珠林小逕蒼苔合層軒翠竹深南山長對面渭水更關心雨後千花醉風前百鳥音

### 景陽一首

陽字伯時儀真人僑居南京正德戊辰第二人及第

### 授編修厯司業遷南中允

國寶新編中允詩主盛唐蕭散遺俗庶幾高臥北窗之懷

金陵瑣事景司業伯時憶蔣水部云雲竹晴還雨風花落更飛石駙馬山庄云移席憐歌歇貪杯較句遲送高汝立云潮聲翻石壁山色入虛樓送沈華父云情深惟縱酒髮亂似驚秋夜酌對曹十四云風簾分坐月皎皎夜榻翦燭花紛紛遊永甯寺云竹陰到午風猶冷石磴穿雲路轉幽

噪鵲行

鵲鵲復鵲鵲春明飛向深樹落樹邊人家懷抱惡去年征夫  
從衛霍邊頭烽火接回中羽書晝警清夜同一自將軍度河  
曲天山萬里風雲空邊頭戰血赤河水戰士磨刀寒落指天  
子深坐甘泉宮回頭北顧常拊髀樹頭鵲噪如有知朝來蟄  
子檐前垂夫君封侯應有期鳳奩鸞鏡當窗移

戴大賓 一首

大賓字寅仲莆田人正德戊辰第三人及第授編修

田接編修登第時年僅十四才思精敏未幾卒世論惜之

九鯉湖

雲霞競相逐水天同一色何處有瑤花湖空秋月白

方豪三首

豪字思道開化人正德戊辰進士除崑山知縣遷刑部主事諫南巡杖闕下起湖廣僉事進副使有榮陵

集八卷

田按思道頗有時譽王浚川少谷子歌云彼時才傑遊帝旁信陽之何棠陵方大梁翩翩李川甫吏部薛生尤擅場今觀其詩無論何薛卽方之川甫亦非其倫

留別選禪師

分經蓮漏下幽徑石苔封卻笑此時別更於何處逢敲門思看竹解榻愛聽松明發孤舟在江雲千萬重

重至波光閣

去歲奉親遊白岳登君畫閣挹波光秋風再向長橋渡隔岸

遙聞濁酒香數里人煙楓柏赤一年好景橘橙黃  
誰拔卻南阮嶺日日相過雲水鄉

開河

三月開河驛垂楊綠覆堤征人歎蕭索未有一鶯啼

戴冠五首

冠字仲鵬信陽人

一云吉水人

正德戊辰進士授戶部主

事以言事謫廣東烏石驛丞起戶部員外出知延平府改蘇州終山東提學副使有寔谷集十二卷

田按仲鵬詩崇何大復天才雖遜工力亦深

訪陳邦器不值寄之

朝出江東門暮出江東門美人乘我去望望江色昏君行向

何許君家在江渚我心逐江水見君不能語

立秋雨

終夏無善睡入秋眠始安高雲散疏雨短榻生微寒炎涼一瞬目造化如轉丸感此復不寐中夜興長歎

秋興

山中白酒今正熟復有黃雞啄黍肥瘦馬蕭蕭時出郭涼風淅淅故吹衣卽看敗柳驚秋色忽見殘鴉送夕暉野老淹留共酩酊相將白鷺亦忘機

汝言旣歸舉酒酹菊席上作

去年今日客東京今日燕山歲又更佳節兩經皆負菊久遊隨處是浮萍一秋懷遠雁將盡薄暮登高雲忽生醉後不須

便歸去多情況復有張衡

春日湖上

匹馬春風湖上來湖中新水碧如苔柳條弄日遙堪恨鷗鳥  
銜魚近不猜入浦漸多聞島嶼抱江無數好樓臺楚州自古  
稱雄鎮此日遊觀亦壯哉

胡纘宗 二首

纘宗字孝思秦安人正德戊辰進士特授翰林檢討  
出爲嘉定州判遷潼川知州入爲南戶部郎中改吏  
部出知安慶府改蘇州遷山東參政改浙江歷河南  
布政使以右副都御史巡撫山東改理河道復改河  
南乞歸以作詩下獄尋得釋有正德集四卷嘉靖集



七卷鳥鼠山人集十六卷擬古樂府二卷擬漢樂府

八卷

四庫總目續宗詩激昂悲壯頗近秦聲無嫵媚之態是其所長多粗厲之音是其所短  
藝苑厄言胡孝思嘗爲吾吳郡守才敏風流前後罕  
儷公暇多遊行湖山園亭間從諸名士一觴一詠題  
墨淋漓遍於壁石後遷御史中丞撫河南肅皇幸楚  
爲一律紀事云間道鑾輿曉渡河嶽雲縹緲護晴珂  
千宮玉帛嵩呼盛萬國衣冠禹貢多鎖鑰北門留統  
制璫璣南極扈羲和穆天八駿空飛電湘竹英皇淚  
不磨刻之石後以他事坐罷家居者數載矣嘗扑一  
貪令王聯其人爲戶部主事以不職免殺人下獄當  
死乃指穆天湘竹爲怨望咒詛而所繇成獄及生平  
睚眦皆指爲孝思奸黨奏上上大怒悉捕下獄欲論  
死分宜相陶眞人力救解久之乃罷免猶摘杖孝思  
三十當是時孝思將八十矣了不怖懾取錦衣獄中  
柱械之類八曰制獄入景爲詩紀之眾爭咎孝思掣  
其筆曰君正坐詩至此耳尙何吾伊爲孝思澹然吟  
不輟曰坐詩當死今不坐詩得免死乎出獄時謝茂  
秦貽之詩有云白首全生逢聖主青山何意見騷人

孝思方病杖創甚呻吟間猶口占以謝人謂孝思意氣差勝蘇長公才不及耳

登天柱閣

與客上江樓橫江山欲浮雲當天柱出月傍小姑流帆外收  
吳楚尊前落斗牛瀾漫忽千里倚檻思悠悠

林屋洞

繫馬靈宮第幾天紫霞丹竈坐羣仙金庭空闊蛟龍鬬玉柱  
玲瓏日月懸改火欲烹山乳食埽雲初藉石牀眠隔凡不隔  
岳陽水黃鶴飛飛何處邊

唐龍五首

龍字虞佐蘭溪人正德戊辰進士除郟城知縣入爲  
御史擢陝西提學副使厯山西按察使召拜太僕卿

改右僉都御史總督漕運兼巡撫鳳陽諸府進左副  
都御史歷吏部侍郎進兵部尚書總制三邊召拜刑  
部尚書加太子少保乞歸尋起南刑部尚書就改吏  
部入爲兵部尚書加太子太保進吏部黜爲民卒後  
以子修撰汝楫疏辨詔復官贈少保諡文襄有漁石  
集四卷

四庫總目龍所著有黔南集江右集關中集晉陽集其  
文頗具浩瀚之氣詩尤長於五言  
藝苑卮言唐虞佐如苦行頭陀終少玄解  
國雅唐文襄風度環爽頗臻古雅集爲蔡子木所編  
輯中有長淮接江水千里映空色夜雨分芝草晴天  
落蠹魚亦作玄解語  
明詩選陳臥子曰漁石五言本之少陵已涉藩籬漸  
窺堂奧李舒章曰漁石五言律詩刁斗精明風雲狎  
競足爲名家

褒城

地勢雄臨漢風聲遠接巴霧深城市隱日照谷門斜烏道懸  
青壁龍江走黑沙未觀諸葛壘先問子真家

子午嶺

嶺名分子午天險限西東劍閣千人廢吳山一箭雄雲封關  
樹黑日出塞門紅遠道悲遊子驅車背朔風

輦昌

關塞遠仍到音書靜不聞山高八月雪木落萬川雲藥裏秋  
隨病松燈夜校文賢勞猶自愧未敢數辛勤

伏羌

木脫羌山出雲寒羌水清干戈經百戰燈火聚孤城雪岸兼

葭色風營鼓角聲將軍功伐在馬革快平生

塞上曲爲蘧翁先生作

黃榆塞口旂旗卷白草山頭烽火收  
春動茫茫水如雪家家河磧飲耕牛

毛伯溫二首

伯溫字汝厲吉水人正德戊辰進士除紹興府推官  
入爲御史遷大理寺丞擢右僉都御史巡撫甯夏坐  
事褫職歸用薦起故官撫山西移順天皆未赴改理  
院事進左副都御史復褫職起右都御史協理院事  
遷工部尙書以兵部尙書總督宣大山西軍務加太  
子少保兼太子賓客以征安南功加太子太保還朝

復理院事改兵部尙書削籍歸隆慶初復官賜卹天

啟初追諡襄懋有東塘詩集十卷

靜志居詩話東塘數與夏公謹李獻吉方思道相酬和故其詩頗具風格

東湖

東湖春渺渺隱士此幽居迴艇愁驚鳥垂竿不上魚興來時  
覓酒得暇且攤書斜照臨波影軒窗日日虛

大雲寺訪友

爲訪王摩詰來遊祇樹園花邊容駐馬竹裏共開尊山翠遙  
當几溪流曲抱村乾坤傷浩劫吾欲託空門

周金二首

金字子庚南京右衛籍武進人正德戊辰進士授工

科給事中累遷戶科都給事中歷太僕少卿擢右僉  
都御史巡撫延綏改撫宣府進右副都御史再改撫  
保定遷兵部侍郎進右都御史總督漕運巡撫鳳陽  
諸府擢南刑部尚書就改戶部贈太子太保諡襄敏  
有上谷漁陽二稿

路鴻休帝里明代人文略橫山周公善爲歌詩羽檄  
倥偬中率不廢詩

秋日送客歸江南

故鄉此日多幽賞家傍青山獨掩扉野寺雲閒僧有約寒塘  
楓落雁初飛吟邊歲月空流水夢裏關河半夕暉一葉扁舟  
五湖上蓼花秋色轉霏微

過楊六郎故城

倒馬關頭寒日西  
孟良白畔風淒淒  
可憐絕壑荒煙裏  
古戍無人鳥自啼

王應鵬 二首

應鵬字天宇鄞人正德戊辰進士除嘉定知縣入爲御史歷大理少卿擢僉都御史巡撫順天改撫山西進右副都御史協理院事有定齋集

田按定齋詩頗有秀句如良月便從今夜得好詩還到故山吟鐘聲出岫客初到月色滿庭僧未歸皆可誦也

送王廷直

一別青山二十年  
白雲長在草堂前  
曉辭雙闕東風裏  
夜見繁星北斗邊  
花鳥夾隄春似織  
江湖一艇水如天  
詩成爲送



王摩詰煙雨桑麻入輞川

張白齋席上次韻

竹里先生竹作扉白雲長傍小山飛江雷忽送冥冥雨又有  
嫩涼生翠微

歐陽鐸一首

鐸字崇道泰和人正德戊辰進士授行人歷工部郎  
中改南兵部出爲延平知府擢廣東提學副使累遷  
南光祿卿以右副都御史巡撫應天進南兵部侍郎  
改吏部贈工部尙書諡恭簡有集二十二卷

十二日風雨次宣風館王伯安投詩有天際浮雲生白  
髮林間孤月坐黃昏之句用其韻

馬蹏沿路蹋霜痕野水橫流一段渾兩戒關河中置驛幾家  
雞犬自成村枕邊聽水塵懷淨山頂看雲望眼昏愧是宣風  
天萬里幾人此地漫消魂

徐文華 一首

文華字用光嘉定州人正德戊辰進士授大理評事  
擢監察御史以言事下詔獄黜爲民嘉靖初起故官  
歷河南副使入爲大理少卿以議禮再奪俸尋以李  
福達獄遣戍遼陽隆慶初贈左僉都御史有遼陽集  
岳陽樓

天外雲帆晚洲邊朔雁秋湘君何處弔靈瑟至今愁

夏良勝 一首

良勝字子中南城人正德戊辰進士授刑部主事改吏部遷員外郎諫南巡予杖奪職嘉靖初起故官進郎中遷南太常少卿未赴轉給事中謫茶陵知州以在郎中時議禮黜爲民再下獄論杖謫戍遼東三萬衛隆慶初贈太常卿有東洲稿二十卷

四庫總目良勝兩以直諫謫風節凜然其詩文無意求工而皆嶽嶽有直氣

### 瓊花觀

慢櫓低聲唱浪沙餘哀尙寄野人家誰將主業中原地祇換揚州一樹花

### 陸震一首

震字汝亨蘭溪人正德戊辰進士除太和知縣徵爲

兵部主事進員外諫南巡下詔獄杖死嘉靖初贈太

常少卿

朝房待罪

驥尾思千里葵心託萬言一身曾許國九死敢忘恩梅福冠  
猶在朱雲檻不存空庭對明月古道照乾坤

靜志居詩話太常力批龍鱗九死不悔詩存無多錄  
四十字一字一碧血也

程啟充一首

啟充字以道嘉定州人正德戊辰進士除三原知縣  
入爲御史以劾郭勛謫戍邊衛隆慶初贈光祿少卿  
有初亭集

田按以道在正嘉兩朝號爲敢言惜謫戍後不復起  
用與升庵爲素交升菴亟稱其詩今全集不復可觀

僅於費經虞劍閣芳華集見二詩不足見所長所著  
又有南溪詩話三卷四庫存目著錄者僅二卷提  
要亦不詳其名未知是二是一也

### 峨眉山寺

一夜中峰雨清涼曙色新到來垂老客擬作問禪人石徑休  
辭滑山雲不染塵會當凌絕巘一覽小西岷

### 虛煦一首

煦字子春東陽人正德戊辰進士授長垣知縣入爲  
刑部主事累遷四川按察僉事進湖廣參議

### 輓西湖李徵君

西湖隴上鶴山銘過客停驂問姓名  
酌酒東風人不見海棠殘月杜鵑聲

王大用 一首

大用字時行興化衛籍儀真人正德戊辰進士授工部主事累遷右副都御史巡撫順天改撫大同進右都御史入掌院事尋罷起撫四川遷南刑部侍郎有藥谷集

遊武夷

控鶴仙人渺何許幔亭綵幄重堪憐溪流九曲依然在三十六峰凌紫煙

顧可適 一首

可適字與行無錫人正德戊辰進士授中書舍人歷刑部郎中擢廣西參議有蓉峰遺稿

和彭別駕石屋登錫山觀五湖

錫嶺尋前蹟丹邱出上方七盤凌絕磴千仞俯滄浪陵谷推遷後蓬瀛縹緲鄉雲謠惜荒宴萬里泛瓊觴

陸伸一首

伸字安甫太倉州人參政容子正德戊辰進士授大理評事

四月五日游淮雲寺儀上人限韻求題

得見支郎半醉中相將高閣詠南風何年許入雲門社辦取青鞵出輭紅

丁奉五首

奉字獻之常熟人正德戊辰進士除行人歷南吏部

郎中有丁吏部文選八卷

靜志居詩話南湖詩不事鍛鍊與酣落筆往往暗合  
曩篇卽嘔心撚髭者爲之不過爾爾  
田按獻之有南湖留稿逸稿宣城梅季豹合二稿選  
爲丁吏部文選八卷詩興趣天然頗有山林逸致

家居

家居承祖德奕世享清平山襲虞雍號湖傳呂尙名僻鄉便  
吏隱腴土恆農耕自揣孤邱志微吟記此生

蠡口夜泊

野度無人到扁舟卻自橫村燈明更滅鄰舫聚還行水靜人  
聲遠霜寒雁夢清思家不成寢斗柄已三更

晚秋雨中

暮雨黯秋光新寒喧宿鳥一日不開門落葉知多少



晚秋

漫讀書消晝苦吟詩送秋出門黃葉盡風雨暗東樓

對山

世事年年流水去門前日日好山來東君更自添煩惱春冷  
梅花苦不開

胡德一首

德字全之婺源人正德戊辰進士授南戶部主事歷  
四川參議雲南參政有紀行錄迂樵雜著

桑婦吟

茜色裁裙蘭麝熏鳳釵十二壓春雲黃金駟馬躊躇處誰爲  
羅敷謝使君

顧彥夫 一首

彥夫字承美無錫人正德庚午舉人官河間通判有

瀛海集

送人考滿

白鷺洲邊春水生一帆去去暢吟情溪山十里小桃豔  
畫半船行李輕雲起峯頭無定迹鶯飛谷口有離聲  
別來想望風神遠月暗容臺燈夜明